



## CONCELLO DE FOZ (LUGO)

### CONCELLO PLENO ACTA DA SESIÓN

**ÓRGANO:** CONCELLO PLENO  
**EXPEDIENTE N.º :** PLN/2019/894  
**CARÁCTER:** EXTRAORDINARIO  
**CONVOCATORIA:** PRIMEIRA  
**DATA:** 4 Xullo 2019

No Salón de Sesións do Concello de Foz, sendo as vinte horas e trinta e cinco minutos do día catro de xullo de dous mil dezanove, réunese o Pleno do Concello en sesión convocada ao efecto con carácter extraordinario, baixo a presidencia do Sr. Alcalde-Presidente D. Francisco Cajoto Caserío, e coa asistencia dos/as Concelleiros/as que a continuación se indican:

#### CONCELLEIROS/AS PRESENTES:

##### Por Partido dos Socialistas de Galicia (PSdeG-PSOE)

D. Francisco Cajoto Caserío  
D. Héctor Moris Fernández  
D<sup>a</sup>. Acela Verónica Peña Castiñeira  
D<sup>a</sup>. Ana Matea Rojo Eijo  
D. José María Linares Rodríguez  
D<sup>a</sup>. Inés López Couto  
D. Carlos García Rodríguez

##### Por Partido Popular de Galicia (PP)

D. Javier Jorge Castiñeira  
D. Juan José Rivas Nécega  
D<sup>a</sup>. Laura Riveira Balseiro  
D. José Antonio Hermida Fernández  
D<sup>a</sup>. Verónica Soto Piñeiroa  
D<sup>a</sup>. Concepción López Seijas

##### Por Partido Bloque Nacionalista Galego (BNG)

D. Francisco Xavier Fanego Bermúdez  
D<sup>a</sup>. Gema Méndez Leivas  
D. Iago Villamil Cajoto **(Excusa)**

##### Por Partido Foz, Plataforma de Futuro (FPF)

D. Víctor Couto Barrientos

##### INTERVENTORA

D<sup>a</sup>. Yolanda González Rodríguez

##### SECRETARIA XERAL

D<sup>a</sup>. Antía Pena Dorado



Unha vez verificada pola Secretaria a válida constitución do órgano, o Presidente abre a sesión, polo que se procede á deliberación sobre os asuntos incluídos na Orde do día.

### **1.- PROPOSTA ALCALDÍA CREACIÓN E COMPOSICIÓN DA COMISIÓN ESPECIAL DE CONTAS.-**

Pola Secretaria dáse lectura á Proposta de Alcaldía, cuxo teor literal di:

#### “ PROPOSTA

*Visto o artigo 20.1. c) da LRBRL que sinala que nos municipios de mais de 5.000 habitantes e nos de menos cando así o dispoña o seu Regulamento Orgánico ou o acorde o Pleno, existirán, se a lexislación autonómica non prevé neste ámbito outra forma organizativa, órganos que teñan por obxecto o estudio, informe ou consulta dos asuntos que han de ser sometidos á decisión do Pleno.*

*Vistos o artigo 127 do ROF a Comisión Especial de Contas é de existencia preceptiva, segundo dispón o artigo 116 da Lei 7/1985, de 2 de abril, e a súa constitución, composición e integración e funcionamento axustarase ó establecido para as demais Comisións Informativas.*

*Corresponde á Comisión Especial de Contas o exame, estudio e informe de todas as contas, orzamentarias e extraorzamentarias, que daba aprobar o Pleno da Corporación, de acordo co establecido na lexislación reguladora da contabilidade das Entidades Locais.*

*Visto o artigo 125 b) do ROF que sinala que cada comisión estará integrada de forma que a súa composición se acomode á proporcionalidade existente entre os distintos grupos políticos representados na Corporación.*

*Visto o artigo 46.2.a da Lei 7/1985, Reguladora das Bases de Réxime Local é polo que elevo ó Pleno a seguinte,*

#### **PROPOSTA**

**PRIMEIRO.**- *A creación da Comisión Especial de Contas, que informará e emitirá ditame, en todo caso no expediente de aprobación da Conta Xeral do Orzamento Municipal;*

**SEGUNDO.**- *A composición da citada Comisión Especial de Contas, cuxa presidencia corresponde ó Sr. Alcalde- Presidente será a seguinte:*

*Presidencia máis tres membros do PsdG PSOE*

*Tres membros do PP*

*1 membro do BNG*

*1 membro de FPF*

**TERCEIRO.**- *Ós efectos de constituír a citada Comisión coa maior brevidade posible, os portavoces dos grupos municipais do PsdG PSOE,PP,BNG e FPF (grupo mixto) deberán comunicar o nome do Concelleiro designado para formar parte da citada Comisión.*

*É canto teño a ben propoñer ó Pleno da Corporación, non obstante este acordará o que estime pertinente”.*





## **CONCELLO DE FOZ (LUGO)**

A continuación ábrese polo Sr Alcalde-presidente **unha quenda de intervencións**, explicando primeiramente a proposta e antecedentes deste asunto.

Javier Jorge Castiñeira, concelleiro do grupo municipal do PP, manifesta que está de acordo co reparto proporcional que existe, e están de acordo que se inclúa ao portavoz do grupo municipal de FPF.

Francisco Xavier Fanego Bermúdez, concelleiro do grupo municipal do BNG, di que están a favor.

Victor Couto Barrientos, concelleiro do grupo municipal de FPF, manifesta que están a favor.

A continuación, **sométese a votación a Proposta de Alcaldía**, obténdose o seguinte resultado: **unanimidade** (16 votos).

A tenor do resultado da votación, o Pleno da Corporación **APROBA o seguinte acordo:**

**PRIMEIRO.- A creación da Comisión Especial de Contas, que informará e emitirá ditame, en todo caso no expediente de aprobación da Conta Xeral do Orzamento Municipal;**

**SEGUNDO.- A composición da citada Comisión Especial de Contas, cuxa presidencia corresponde ó Sr. Alcalde- Presidente será a seguinte:**

***Presidencia máis tres membros do PSdG PSOE***

***Tres membros do PP***

***1 membro do BNG***

***1 membro de FPF***

**TERCEIRO.- Ós efectos de constituír a citada Comisión coa maior brevidade posible, os portavoces dos grupos municipais do PsdG PSOE,PP,BNG e FPF (grupo mixto) deberán comunicar o nome do Concelleiro designado para formar parte da citada Comisión.-**

### **2.- PROPOSTA ALCALDÍA CREACIÓN E COMPOSICIÓN DA COMISIÓN INFORMATIVA DE ASUNTOS PREPARATORIOS DE PLENO.-**

Pola Secretaría dáse lectura á Proposta de Alcaldía, cuxo teor literal di:

#### **" PROPOSTA**

*Celebradas as eleccións locais que tiveron lugar o pasado día 26 de maio de 2019, e constituída a nova Corporación con data 15 de xuño de 2019, resulta necesario proceder, de acordo ca lexislación vixente e co Regulamento Orgánico Municipal, á creación e composición das Comisións Informativas permanentes.*

*Tendo en conta que de conformidade co disposto pola normativa autonómica, constituída pola Lei 5/1997, de 22 de Xullo, de Réxime Local de Galicia, en concordancia cos artigos 134 e seguintes do Regulamento de Organización, Funcionamento e Réxime Xurídico das Entidades Locais, aprobado por Real Decreto 2568/1986, de 28 de novembro (en adiante ROF), corresponde ó Pleno de cada Corporación determinar o número e denominación destas Comisións Informativas de estudio e ditame, tanto cando nacen con vocación de permanencia por obedecer á estrutura do ámbito competencial do Concello, como cando nacen con carácter temporal co obxecto de tratar de temas específicos.*



Tendo en conta que de conformidade co precepto citado, estas Comisións deberán estar integradas polos membros que designen os diferentes Grupos Políticos que forman parte da Corporación, en proporción á súa representatividade neste Concello.

Esta Alcaldía, de conformidade coa la lexislación autonómica antes mencionada, en concordancia cos artigos 123 e seguintes do ROF, en todo aquilo que non se opoña, contradiga ou resulte incompatible cas normas anteriores, propón ó Pleno do Concello a adopción dos seguintes

#### **ACORDOS:**

**Primeiro:** *Crear a seguinte comisión informativa de carácter permanente:*

- **Comisión informativa de asuntos preparatorios de pleno.**
  
- *A súa composición será a seguinte en aplicación do voto ponderado:*

O Alcalde que actuará como presidente e 3 membros do PSdG PSOE  
3 membros do PP  
1 membro do BNG  
1 membro do grupos mixto (FPF)

**Segundo:-** *As funcións destas Comisións Informativas de carácter permanente, serán o estudio e ditame previo dos asuntos que se sometan á decisión do Pleno ou da Xunta de Goberno Local e da Alcaldía, nestes dous últimos supostos cando estes órganos actúen por delegación de aquel, podendo intervenir tamén en relación con outros asuntos que non sexan da competencia do Pleno da Corporación, cando o órgano competente lles solicite o seu ditame.*

*A efectos de control e seguimento da xestión dos órganos ós que anteriormente se fixo referencia, recoñecese o dereito de tódolos Concelleiros membros das Comisións Informativas de poder consultar, directa e persoalmente, os libros de resolucións e os libros de actas da Xunta de Goberno Local custodiados na Secretaría Xeral da Corporación.*

**Terceiro:-** *Estas Comisións, celebrarán reunións de acordo co réxime de sesións establecido polo Regulamento Orgánico Municipal cas particularidades que, en execución das súas previsións, estableza cada unha das Comisións na súa sesión constitutiva, podendo celebrar sesións extraordinarias cando o Presidente o decida, ou cando o solicite a cuarta parte, como mínimo, do seu número legal de membros.*

**Cuarto:-** *Comunicar este acordo ós diferentes Grupos Políticos Municipais, facéndolles saber que deberán designar os seus representantes en cada Comisión, notificándoo por escrito ó Secretario Xeral da Corporación no prazo dunha semana a contar dende a adopción do presente acordo, quedando facultado o señor Alcalde para, mediante Decreto, proceder ó seu nomeamento”.*

A continuación ábrese polo Sr Alcalde-presidente **unha quenda de intervencións**, explicando primeiramente a proposta e antecedentes deste asunto.

Javier Jorge Castiñeira, concelleiro do grupo municipal do PP, di que están a favor.

Francisco Xavier Fanego Bermúdez, concelleiro do grupo municipal do BNG, manifesta que están a favor.

Victor Couto Barrientos, concelleiro do grupo municipal de FPF, di que está a favor.





## CONCELLO DE FOZ (LUGO)

A continuación, sométese a votación a Proposta de Alcaldía, obténdose o seguinte resultado: unanimidade (16 votos).

A tenor do resultado da votación, o Pleno da Corporación **APROBA** o seguinte acordo:

**PRIMEIRO:** *Crear a seguinte comisión informativa de carácter permanente:*

- **COMISIÓN INFORMATIVA DE ASUNTOS PREPARATORIOS DE PLENO.**
  
- *A súa composición será a seguinte en aplicación do voto ponderado:*

*O Alcalde que actuará como presidente e 3 membros do PSdG PSOE  
3 membros do PP  
1 membro do BNG  
1 membro do grupos mixto (FPF)*

**SEGUNDO:** *As funcións destas Comisións Informativas de carácter permanente, serán o estudio e ditame previo dos asuntos que se sometan á decisión do Pleno ou da Xunta de Goberno Local e da Alcaldía, nestes dous últimos supostos cando estes órganos actúen por delegación de aquel, podendo intervir tamén en relación con outros asuntos que non sexan da competencia do Pleno da Corporación, cando o órgano competente lles solicite o seu ditame.*

*A efectos de control e seguimento da xestión dos órganos ós que anteriormente se fixo referencia, recoñecese o dereito de tódolos Concelleiros membros das Comisións Informativas de poder consultar, directa e persoalmente, os libros de resolucións e os libros de actas da Xunta de Goberno Local custodiados na Secretaría Xeral da Corporación.*

**TERCEIRO:** *Estas Comisións, celebrarán reunións de acordo co réxime de sesións establecido polo Regulamento Orgánico Municipal cas particularidades que, en execución das súas previsións, estableza cada unha das Comisións na súa sesión constitutiva, podendo celebrar sesións extraordinarias cando o Presidente o decida, ou cando o solicite a cuarta parte, como mínimo, do seu número legal de membros.*

**CUARTO:** *Comunicar este acordo ós diferentes Grupos Políticos Municipais, facéndolles saber que deberán designar os seus representantes en cada Comisión, notificándoo por escrito ó Secretario Xeral da Corporación no prazo dunha semana a contar dende a adopción do presente acordo, quedando facultado o señor Alcalde para, mediante Decreto, proceder ó seu nomeamento.-*

### **3.- PROPOSTA ALCALDÍA PERIODICIDADE DAS SESIÓNS PLENARIAS.-**

Pola Secretaría dáse lectura á Proposta de Alcaldía, cuxo teor literal di:

“ PROPOSTA

*Visto o establecido nos artigos 77 e seguintes do RD 2568/1986, de 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais, segundo os*



que as sesións do Pleno de carácter ordinario son aquelas nas que a periodicidade está preestablecida, fixándoas o propio Pleno en sesión extraordinaria, que se celebrará dentro dos trinta días seguintes.

Visto o artigo 46.2.a) da Lei 7/1985, de 2 de abril reguladora das Bases de Réxime Local, modificada pola Lei 11/1999, de 21 de abril, "O Pleno celebrará sesión ordinaria como mínimo cada dous meses nos Concellos dos municipios dunha poboación entre 5001 e 20000 habitantes".

Vista a Lei 5/1997, de 22 de xullo, de Administración Local de Galicia que sinala no artigo 210.2.a) que "O Pleno realizará sesión ordinaria, como mínimo, cada dous meses".

Tendo en conta os anteriores antecedentes é polo que elevo ó Pleno a seguinte

### PROPOSTA

**PRIMEIRO.-** Que os Plenos ordinarios se celebren con periodicidade mensual, segundo o seguinte calendario e horarios: o derradeiro xoves hábil de cada mes, ás vinte horas e trinta minutos da tarde, exceptuando os meses de agosto e decembro.

**SEGUNDO.-** Establece-la posibilidade de demora ou anticipo nunha semana da data de celebración das sesións ordinarias, se por causas debidamente xustificadas derivadas da ausencia da Alcaldía, da natureza dos asuntos a tratar, ou da coincidencia das datas con días festivos así resulte conveniente, e mantendo en todo caso o punto preceptivo de "Rogos e Preguntas" e de control dos órganos corporativos segundo a redacción dada ó apartado e) do art. 46.2 da Lei 7/1985 pola Lei 11/1999, de 21 de abril modificadora da mesma.

É canto teño a ben propoñer ó Pleno da Corporación. Non obstante, este acordará o que estime pertinente".

A continuación ábrese polo Sr Alcalde-presidente **unha quenda de intervencións**, explicando primeiramente a proposta e antecedentes deste asunto.

Javier Jorge Castiñeira, concelleiro do grupo municipal do PP, di que están a favor.

Francisco Xavier Fanego Bermúdez, concelleiro do grupo municipal do BNG, manifesta que están a favor.

Victor Couto Barrientos, concelleiro do grupo municipal de FPF, di que está a favor.

A continuación, **sómétese a votación a Proposta de Alcaldía**, obténdose o seguinte resultado: **unanimidade** (16 votos).

A tenor do resultado da votación, o Pleno da Corporación **APROBA o seguinte acordo:**

**PRIMEIRO.-** Que os Plenos ordinarios se celebren con periodicidade mensual, segundo o seguinte calendario e horarios: o derradeiro xoves hábil de cada mes, ás vinte horas e trinta minutos da tarde, exceptuando os meses de agosto e decembro.

**SEGUNDO.-** Establece-la posibilidade de demora ou anticipo nunha semana da data de celebración das sesións ordinarias, se por causas debidamente xustificadas derivadas da ausencia da Alcaldía, da natureza dos asuntos a tratar, ou da coincidencia das datas con días festivos así resulte conveniente, e mantendo en todo caso o punto preceptivo de "Rogos e





## CONCELLO DE FOZ (LUGO)

**Preguntas” e de control dos órganos corporativos segundo a redacción dada ó apartado e) do art. 46.2 da Lei 7/1985 pola Lei 11/1999, de 21 de abril modificadora da mesma. -**

### **4.- PROPOSTA ALCALDÍA APROBACIÓN DAS DEDICACIÓNS EXCLUSIVAS DE, D. FRANCISCO CAJOTO CASERÍO E PARCIAIS DE, D<sup>a</sup>. INÉS LÓPEZ COUTO, ASISTENCIA A ÓRGANOS COLEXIADOS, INDEMNIZACIÓNS POR RAZÓN DO SERVIZO E ASIGNACIÓN AOS GRUPOS POLÍTICOS.-**

Pola Secretaria dáse lectura á Proposta de Alcaldía, cuxo teor literal di:

#### “ PROPOSTA

*Unha vez celebradas as eleccións municipais, o pasado 26 de maio e constituído o novo Concello ou Corporación Municipal o 15 de xuño de 2019, resulta necesario e conveniente proceder ó establecemento da nova organización municipal e, en particular, á determinación das retribucións que percibirán os membros das Corporacións Locais tanto no referente ás dedicacións exclusivas, como ás dedicacións parciais, a asistencia a Órganos Colexiados ou as indemnizacións por razón do servizo nos termos que regula o artigo 75 da Lei 7/85, de 2 de abril, Reguladora das Bases do Réxime Local, así como o artigo 13 do Real Decreto 2568/1986, de 28 de novembro, que aproba o Regulamento de Organización, Funcionamento e Réxime Xurídico das Entidades Locais. Así como as asignacións a realizar aos grupos políticos municipais de conformidade co artigo 73.3 da Lei 7/85, de 2 de abril, Reguladora das Bases do Réxime Local e base de execución nº 50 do Orzamento do Concello de Foz*

*Por todo isto, esta Alcaldía, formula á Corporación reunida en sesión Plenaria, a seguinte proposta, previa fiscalización de intervención:*

#### **PRIMEIRO.-DEDICACIÓNS EXCLUSIVAS.**

*- A coordinación das distintas delegacións e con carácter específico a delegación en “Obras, urbanismo, servizos, seguridade cidadá e facenda” de , don Francisco Cajoto Caserio, exercerase en réxime de DEDICACIÓN EXCLUSIVA cunha retribución anual de 43.770,72 € brutos, divididos en catorce pagas iguais (doce ordinarias e dúas extraordinarias). Incluíndose consignación suficiente na aplicación orzamentaria 912.100.00 para o salario, e na 912.160.00 na parte correspondente a seguridade social. Así mesmo, aplicarase o incremento retributivo adicional vinculado a evolución do PIB, que se aprobe para o persoal do sector público.*

#### **SEGUNDO.-DEDICACIÓNS PARCIAIS.**

*-A Delegación de “Emprego, Innovación e Admon Electrónica, Turismo, Comercio e Actividades Económicas” e as específicas que sexan determinadas puntualmente pola Alcaldía”, será asumida por Dña Inés López Couto. Exercerase en réxime de DEDICACIÓN PARCIAL de forma que se realice unha dedicación mínima de 75 horas ó mes, exercidas segundo as necesidades da Delegación e que deberán ser xustificadas documentalmente. A DEDICACIÓN PARCIAL suporá unha retribución anual de 21.882,36 € brutos, en catorce pagas iguais (doce ordinarias e dúas extraordinarias). Así mesmo, aplicarase o incremento retributivo adicional vinculado a evolución do PIB, que se aprobe para o persoal do sector público.*

#### **TERCEIRO.-ASISTENCIA A ÓRGANOS COLEXIADOS.**

*Fixar as asistencias pola concorrencia efectiva a sesións de órganos colexiados de que formen parte, nas seguintes:*

- Sesións de Comisións informativas e Comisión Especial de Contas: 34,55 €.



- Xunta de Goberno Local: 34,55 €.
- Sesións de Pleno Municipal 68,02€.

No caso de coincidir un mesmo concelleiro en varias sesións de distintos órganos colexiados celebradas no mesmo día ou a celebración de varias sesións dun órgano colexiado nun mesmo día, soamente percibirase indemnización pola asistencia a unha das sesións, que será a de maior valor económico.

#### **CUARTO.-INDEMNIZACIÓN POR RAZÓN DO SERVIZO.**

O artigo 75.4 da LRBRL sinala que teñen dereito a percibir indemnizacións polos gastos correspondentes a dietas por manutención, aloxamento e transporte con motivo de comisións de servizo, desprazamento fóra do termo municipal efectuados por razón do cargo e outros que correspondan a idéntica motivación sempre que sexan debidamente autorizados e sexan xustificadas documentalmente, tódolos membros da Corporación, incluídos os que desempeñen o cargo en réxime de dedicación exclusiva ou parcial.

Os correspondentes gastos serán aboados de conformidade coas disposicións contidas no RD 462/2002, de 24 de maio, sobre Indemnizacións por Razón do Servizo; así como as modificacións que poida sufrir, asimilando ó Alcalde e aos Concelleiros ó Grupo Primeiro a que se refire o Real Decreto citado.

Tendo en conta o anterior, Fixar como indemnizacións a percibir polos membros da Corporación como gastos de viaxe por uso do vehículo particular en comisión de servizo, a cantidade que resulte a razón de 0,19 € por quilómetro percorrido.

Sinalar como indemnización diaria polos gastos ocasionados polo exercicio do cargo polas xestións que esixan o desprazamento dentro ou fóra do termo municipal do Alcalde ou Concelleiros e á súa xustificación o establecido no Decreto 462/2002, de 24 de maio, sobre indemnizacións por razón do servizo, ou normativa que a substitúa, nas contías que se sinalen para o Grupo I.

	<b>Contías en euros nas dietas dentro do territorio nacional</b>			
	<b>Por aloxamento</b>	<b>Por manutención</b>	<b>Dieta enteira</b>	<b>Media dieta</b>
<b>Grupo 1</b>	102,56	53,34	155,9	26,67
	<b>Contías en euros nas dietas fóra do territorio nacional</b>			
	<b>O sinalado no Real Decreto 462/2002, de 24 de marzo</b>			

#### **QUINTO.-ASIGNACIÓN OS GRUPOS POLÍTICOS.**

De conformidade co artigo 73.3 da LRBRL, propónse ao Pleno da Corporación establecer, unha asignación económica a cada grupo político da Corporación dunha cantidade cun compoñente fixo mensual de 180,30 €, e un compoñente variable de 63,06 € mensuais por cada concelleiro que integre cada un dos devanditos grupos, que se liquidará cunha periodicidade trimestral.

Estas cantidades non poderán destinarse ao pago de remuneracións de persoal de calquera tipo ao servizo da corporación ou á adquisición de bens que podan constituír activos fixos de carácter







## CONCELLO DE FOZ (LUGO)

*patrimonial e os grupos políticos deberán levar unha contabilidade específica da dotación económica, que porán a disposición do Pleno da Corporación, sempre que este o pida.*

*Anualmente, no mes de decembro de cada ano, cada Grupo político presentará ante a Intervención a xustificación dos gastos dos distintos grupos políticos.*

**SEXTO.-** *Que se publique o presente acordo no Boletín Oficial da Provincia e no Taboleiro de Anuncios da Corporación, para que sexan de xeral coñecemento”.*

Antes de pasar ao debate desta proposta, o alcalde manifesta que ten que facer unha emenda á mesma, porque a denominación da concellería de Inés López Couto sería “Emprego, Innovación, Administración Electrónica e Transparencia”.

Sométese a votación esta emenda sendo aprobada por unanimidade.

A continuación ábrese polo Sr Alcalde-presidente **unha quenda de intervencións**, explicando primeiramente a proposta e antecedentes deste asunto.

Javier Jorge Castiñeira, concelleiro do grupo municipal do PP, manifesta que as palabras do alcalde son parecidas as que el dixo hai oito e catro anos; parécelle que o Concello de Foz é suficientemente grande e con suficiente actividade para ter unha dedicación exclusiva e varias parciais, e foron bastante comedidos, porque cre que este concello podería ter algunha dedicación parcial .

Iso dio agora e hai oito anos, o que non o dicía era o PSdG-PSOE, polo que cre que deberan cumprir o que pediron hai catro e oito anos, e si quere, pode dicirle o que dicía o Sr. Ramalleira hai catro anos, compañeiro do Sr. Linares, que hoxe está aí e vai votar diferente do que votou no seu día, e manifestaba que “historicamente non houbo máis dedicacións que as do alcalde e nese sentido cremos que así debe continuar (...) os técnicos municipais deben colaborar coa intensidade necesaria para evitar unha dedicación exclusiva nesa área”. Iso dicíao o PSdG-PSOE e non sabe se o alcalde está de acordo co Sr. Ramalleira, se é unha incoherencia, ou se fan unha cousa cando están no goberno e outra cando están na oposición. Ou lle teñen que pedir perdón ao PP por facer algo que crían que ía en contra da situación normal ou recoñecen que os do PP eran uns fenómenos porque con cinco persoas no goberno, tiveron so unha dedicación exclusiva, mentres que agora, con dez concelleiros, nove no goberno, precisan unha dedicación máis, ou é unha manifestación da súa incompetencia ou e que fan unha cousa primeiro e despois outra.

O PP está de acordo e vai votar a favor a esa dedicación e cren que incluso poderían traer algunha máis, pero é certo que son uns incoherentes, e votaron oito anos dicindo o que non fixeron despois.

Nesa acta xa o dicía, que se o PSdG-PSOE estaban algún día na súa situación ían facer exactamente o mesmo. Cre que un pouco de humildade está ben e é certo que son comedidos, e non entende por qué o BNG prescinde da súa dedicación.

Francisco Xavier Fanego Bermúdez, concelleiro do grupo municipal do BNG, di que para saír ao paso do que dixo Castiñeira, porque lago non apareza aí, si que vai estar axudando a Gema e a el mesmo botándolles unha man, e non está en primeira liña por temas de traballo e familia.

No tema desa media dedicación que lle correspondía, para realizar o traballo que ten encomendado para estes catro anos facíalle falta tempo, pero no traballo non llo permitiron



e ou tiña que pedir unha excedencia ou tirar do 20% que ampara a lei, polo que tivo que renunciar a esa dedicación que se falara no pacto de goberno co PSdG-PSOE.  
En canto ao resto, é algo que xa tiñan pactado co PSdG-PSOE, polo que van votar a favor.

Victor Couto Barrientos, concelleiro do grupo municipal de FPF, manifesta que van apoiar os diferentes puntos que están comentando, que sempre foron partidarios desa media dedicación; o que non son é partidarios das condicións que se valoran neste punto, polo que o seu voto vai ser a abstención.

O alcalde manifesta que respecto ao comentario feito por Javier Castiñeira, que os tacha de incompetentes cando levan quince días ou tres semanas, cre que se debe dar unha marxe ao equipo de goberno para traballar. Cre que desde o primeiro día se está atacando duramente, incluso por redes sociais sen motivo; cre que están traballando de forma coherente e incluso Javier Castiñeira está de acordo con esa media dedicación.

Quizais as condicións dos concellos cambian, e o PP dispoñía dun concelleiro que efectivamente non tiña unha media dedicación pero tiña unha xubilación e podía dispoñer de máis tempo. Efectivamente non estaba remunerado pero dispoñía de tempo.

Cre que son coherentes e consideran que eles conseguiron facer un goberno de coalición, un goberno forte para traballar, cedendo certas partes de autonomía pero pensando en Foz e na súa estabilidade. Fan un esforzo todos para traballar en conxunto e cre que iso non se lles pode criticar. Está contento de que o PP entenda que esa medida dedicación fai falta porque Foz necesita evolucionar e eles non están no caso de ter ningún concelleiro xubilado.

Javier Jorge Castiñeira, concelleiro do grupo municipal do PP, di que unha vez escoitada a opinión tanto do BNG como de FPF, dicir que o BNG tamén votou en contra desas dúas dedicacións, e agora estaban de acordo en poñer incluso a súa, polo que lles fai a mesma pregunta, se non cren que é incoherente, que cando lles toca si que é necesario e cando lle tocaba ao PP non o era. Cre que o BNG sempre foi moi en contra desta situación e agora chámalles a atención.

De FPF tamén; xa lle chamou a atención, no seu momento, cando votou favorable a investidura do sr. alcalde, e non entende en que situación vai estar, si na oposición ou no goberno. FPF tamén votou en contra no seu día .

Parece que o PP é o único que vai facer oposición. E quere felicitar aos seus compañeiros porque nestes oito anos cinco concelleiros, e vostedes levan un mes e xa lle dixo o outro día o concelleiro de cultura que tiña moitísimo traballo e efectivamente ten moito traballo, Foz é un Concello moi importante, moi grande, que fai moitas actividades e hai moito traballo, teñen que entender que con cinco era moito máis difícil que con nove. E que teñan un xubilado ou non xa non debería nin saír; a xente traballa o que pode e se están aquí é porque poden, se non habelo pensado antes.

Si lles piden, xa que hai un goberno tripartito, gustaríalle que fixeran público ese documento que teñen firmado entre eles, porque afecta a todos os focenses e considérao digno e de xustiza, ao que o portavoz do BNG asinte coa cabeza; e aínda que propuxeran outra dedicación máis estarían de acordo porque eles así o fixeron, pero a labor que fixo o PP con cinco concelleiros e unha dedicación exclusiva é de recoñecer.

O soldo do alcalde, respecto a outros concellos, é dos máis pequenos, a dieta tamén é baixa. Non poden ter complexos. As cousas teñen que facerse con normalidade. Hai concellos moito máis pequenos nos que o alcalde cobra máis que o do Concello de Foz.

O alcalde di que consideran que son as retribucións axeitadas e que non hai que subilas.





## CONCELLO DE FOZ (LUGO)

A continuación, **sométese a votación a Proposta de Alcaldía**, obténdose o seguinte resultado:

**Votos a favor:** (15): todos os membros do PSOE (7); máis todos os membros do PP (6); máis todos os membros do BNG (2).

**Votos en contra:** ningún.

**Abstencións:** (1): todos os membros do FPF (1)

A tenor do resultado da votación, o Pleno da Corporación **APROBA** o seguinte acordo:

### PRIMEIRO.-DEDICACIÓNS EXCLUSIVAS.

- A coordinación das distintas delegacións e con carácter específico a delegación en "Obras, urbanismo, servizos, seguridade cidadá e facenda" de , don Francisco Cajoto Caserio, exercerase en réxime de DEDICACIÓN EXCLUSIVA cunha retribución anual de 43.770,72 € brutos, divididos en catorce pagas iguais (doce ordinarias e dúas extraordinarias). Inclúndose consignación suficiente na aplicación orzamentaria 912.100.00 para o salario, e na 912.160.00 na parte correspondente a seguridade social. Así mesmo, aplicarase o incremento retributivo adicional vinculado a evolución do PIB, que se aprobe para o persoal do sector público.

### SEGUNDO.-DEDICACIÓNS PARCIAIS.

-A Delegación de "Emprego, Innovación, Admón. Electrónica e Transparencia", e as específicas que sexan determinadas puntualmente pola Alcaldía", será asumida por Dna Inés López Couto. Exercerase en réxime de DEDICACIÓN PARCIAL de forma que se realice unha dedicación mínima de 75 horas ó mes, exercidas segundo as necesidades da Delegación e que deberán ser xustificadas documentalmente. A DEDICACIÓN PARCIAL suporá unha retribución anual de 21.882,36 € brutos, en catorce pagas iguais (doce ordinarias e dúas extraordinarias). Así mesmo, aplicarase o incremento retributivo adicional vinculado a evolución do PIB, que se aprobe para o persoal do sector público.

### TERCEIRO.-ASISTENCIA A ÓRGANOS COLEXIADOS.

Fixar as asistencias pola concorrencia efectiva a sesións de órganos colexiados de que formen parte, nas seguintes:

- Sesións de Comisións informativas e Comisión Especial de Contas: 34,55 €.
- Xunta de Goberno Local: 34,55 €.
- Sesións de Pleno Municipal 68,02€.

No caso de coincidir un mesmo concelleiro en varias sesións de distintos órganos colexiados celebradas no mesmo día ou a celebración de varias sesións dun órgano colexiado nun mesmo día, soamente percibirase indemnización pola asistencia a unha das sesións, que será a de maior valor económico.

### CUARTO.-INDEMNIZACIÓN POR RAZÓN DO SERVIZO.



O artigo 75.4 da LRBRL sinala que teñen dereito a percibir indemnizacións polos gastos correspondentes a dietas por manutención, aloxamento e transporte con motivo de comisións de servizo, desprazamento fóra do termo municipal efectuados por razón do cargo e outros que correspondan a idéntica motivación sempre que sexan debidamente autorizados e sexan xustificadas documentalmente, tódolos membros da Corporación, incluídos os que desempeñen o cargo en réxime de dedicación exclusiva ou parcial.

Os correspondentes gastos serán aboados de conformidade coas disposicións contidas no RD 462/2002, de 24 de maio, sobre Indemnizacións por Razón do Servizo; así como as modificacións que poida sufrir, asimilando ó Alcalde e aos Concelleiros ó Grupo Primeiro a que se refire o Real Decreto citado.

Tendo en conta o anterior, Fixar como indemnizacións a percibir polos membros da Corporación como gastos de viaxe por uso do vehículo particular en comisión de servizo, a cantidade que resulte a razón de 0,19 € por quilómetro percorrido.

Sinalar como indemnización diaria polos gastos ocasionados polo exercicio do cargo polas xestións que esixan o desprazamento dentro ou fora do termo municipal do Alcalde ou Concelleiros e á súa xustificación o establecido no Decreto 462/2002, de 24 de maio, sobre indemnizacións por razón do servizo, ou normativa que a substitúa, nas contías que se sinalen para o Grupo I.

	Contías en euros nas dietas dentro do territorio nacional			
	Por aloxamento	Por manutención	Dieta enteira	Media dieta
Grupo 1	102,56	53,34	155,9	26,67
	Contías en euros nas dietas fora do territorio nacional			
	O sinalado no Real Decreto 462/2002, de 24 de marzo			

#### **QUINTO.-ASIGNACIÓN OS GRUPOS POLÍTICOS.**

De conformidade co artigo 73.3 da LRBRL, propónse ao Pleno da Corporación establecer, unha asignación económica a cada grupo político da Corporación dunha cantidade cun compoñente fixo mensual de 180,30 €, e un compoñente variable de 63,06 € mensuais por cada concelleiro que integre cada un dos devanditos grupos, que se liquidará cunha periodicidade trimestral.

Estas cantidades non poderán destinarse ao pago de remuneracións de persoal de calquera tipo ao servizo da corporación ou á adquisición de bens que podan constituír activos fixos de carácter patrimonial e os grupos políticos deberán levar unha contabilidade específica da dotación económica, que porán a disposición do Pleno da Corporación, sempre que este o pida.





## CONCELLO DE FOZ (LUGO)

*Anualmente, no mes de decembro de cada ano, cada Grupo político presentará ante a Intervención a xustificación dos gastos dos distintos grupos políticos.*

**SEXTO.-** *Que se publique o presente acordo no Boletín Oficial da Provincia e no Taboleiro de Anuncios da Corporación, para que sexan de xeral coñecemento.-*

### **5.- PROPOSTA ALCALDÍA CREACIÓN DA XUNTA DE GOBERNO LOCAL E DELEGACIÓN DE COMPETENCIAS.-**

Pola Secretaria dáse lectura á Proposta de Alcaldía, cuxo teor literal di:

#### “ PROPOSTA

*Visto o artigo 20.1 b) da Lei 7/1985, de 2 de abril, Reguladora de Bases de Réxime Local, conforme co cal a Xunta de Goberno Local existirá en todos os municipios de máis de 5.000 habitantes*

*Vistos os artigos 24.1 da Lei 7/1985, de 2 de abril, Reguladora de Bases de Réxime Local, artigo 23.2 do Texto Refundido das disposicións legais vixentes en materia de Réxime Local aprobado por RDL 781/86, de 18 de abril e o artigo 51 do Regulamento de Organización, Funcionamento e Réxime Xurídico das Entidades Locais.*

*Visto que o Pleno do Concello pode delegar calquera das súas atribucións no Alcalde e na Xunta de Goberno Local, coa excepción das enumeradas no artigo 23.2 b) da Lei 7/1985, de 2 de abril, Reguladora das Bases do Réxime Local.*

*Tendo en conta que o acordo de delegación conterà o ámbito dos asuntos e as facultades concretas que se delegan, así como as condicións específicas de exercicio das mesmas na medida en que se concreten ou aparten do réxime xeral previsto neste Regulamento.*

*Por todo isto, é polo que elevo ó Pleno a seguinte*

#### **PROPOSTA**

**PRIMEIRO.-** *A creación da Xunta de Goberno Local do Concello de Foz.*

**SEGUNDO.-** *Delegar na Xunta de Goberno Local as seguintes competencias do Pleno, en virtude do artigo 22.2 da Lei Reguladora das Bases de Réxime Local:*

*1º.- A aprobación dos proxectos de obras e servizos cando sexa competente para a súa contratación ou concesión, e cando aínda non estean previstos nos orzamentos.*

**TERCEIRO.-** *As delegacións referidas efectúanse nos termos do réxime xeral establecido no ROF, abarcando tanto as facultades de dirección e xestión como a de resolución mediante actos e acordos administrativos que afecten a terceiros.*

*É canto teño a ben propoñer ó Pleno, non obstante este acordará o que estime pertinente”.*

A continuación ábrese polo Sr Alcalde-presidente **unha quenda de intervencións**, explicando primeiramente a proposta e antecedentes deste asunto.

Javier Jorge Castiñeira, concelleiro do grupo municipal do PP, di que esas delegacións son as que teña a ben o alcalde. Simplemente unha pregunta, chámalles a atención que o primeiro tenente-alcalde non sexa a persoa que substitúa ao alcalde, e entende que necesita unha explicación; e en segundo lugar era por qué o BNG non aporta ese terceiro concelleiro ao



equipo de goberno, que xa foi explicado no punto anterior; en terceiro lugar, é que non sabe moi ben o que vai facer o sr. García, delegado de comunicacións e relacións institucionais, porque consideran que é unha cousa que ten que facer o alcalde, se é que vaia a ir aos sitios polo alcalde, o que non consideran moi apropiado.

Francisco Xavier Fanego Bermúdez, concelleiro do grupo municipal do BNG, manifesta que xa respondeu antes ao tema do seu compañeiro Iago Villamil, pero que non lle caiba dúbida a ninguén que pese a non estar na xunta de goberno, o traballo del vai ser transcendental, aparte de que, tanto para Gema como para el, é un dos pilares do seu equipo.

En segundo lugar, o PP non entendía como Inés era quen ía asumir as funcións do alcalde e non el, e explica que iso tamén foi froito desa negociación, porque o alcalde entende que a súa man dereita (ou esquerda) é quen debe substituílo cando non estea.

Eles quixeron esa primeira teniente-alcaldía porque lle da unha imaxe de representación ao BNG, dentro das súas áreas.

Victor Couto Barrientos, concelleiro do grupo municipal de FPF, manifesta que tamén están a favor, e contéstalle ao sr. Castiñeira, que queda claro que non forman parte deste equipo de goberno, que son oposición, e se deron o voto a este bipartito foi para que non continuase o PP, seguindo un pouco o que os veciños pedían, un cambio de goberno a un goberno progresista, que teña o apoio para conseguilo.

O alcalde di que, respecto ao indicado polo PP, súmase ao dito por Fanego, foi froito de negociacións e dun procedemento de traballo que consideran o máis axeitado, que a persoa que estea máis preto do alcalde e que coñeza todos os asuntos, que ostente as competencias do alcalde cando non estea.

En canto á delegación de comunicación e relacións institucionais, pensan que é fundamental, porque a comunicación é fundamental, concienciar aos veciños é fundamental, explicar as medidas por qué se fan e contar con eles, escoitar sempre e non actuar de forma unilateral é fundamental, é unha das cousas que implementaron desde o minuto un, que faláron en campaña, que queren crear entre todos esa comunicación directa cos veciños, e isto é o que vai representar Carlos García. Evidentemente aos actos irá o alcalde, pero hai moitos pormenores, moitos asuntos que tratar na Deputación, hai moitas reunións, moitas subvencións, moito diñeiro que necesitamos para Foz, porque as contas están como están, e non se teñen recursos para facer moitos traballos e cren que é un traballo fundamental. Entón, aparte de ir o alcalde, pode acompañalo un compañeiro e que nas reunións que poida haber a maiores, poida estar el pendente delas, e que non se perda nin unha subvención, como pasou por exemplo co socorrismo.

Javier Jorge Castiñeira, concelleiro do grupo municipal do PP, di que lle parece unha delegación moi simple habendo outras que teñen bastante amplitude.

Dille a Fanego, que se el fose do BNG non lle gustaría o que dixo. Se negociaron ser primeiro tenente-alcalde entende que debe exercer disto; se xa di que a súa man esquerda ou dereita é a concelleira, xa está creando unha brecha que el, se fose votante do BNG, non lle gustaría absolutamente nada.

A primeira e a segunda tenencia de alcaldía son significativas, para moitas cousas, o alcalde pode ausentarse moitas veces e por diferentes circunstancias, e cre que é unha concesión excesiva e que lóxicamente cre que nese aspecto o BNG está sendo demasiado benevolente. Por outro lado, dicía da representación institucional, non os viu recollendo as bandeiras azuis, que o fan todos os concellos e é un orgullo porque somos un dos concellos que máis bandeiras azuis ten.





## **CONCELLO DE FOZ (LUGO)**

Respecto aos socorristas teno moi fácil, pode preguntar no servizo de emprego por qué non se solicitou esa subvención, pregunte cales foron as dificultades que tivo ese servizo para non pedilo.

O alcalde di que Castiñeira non foi buscar esas bandeiras azuis en moitas ocasións, sería por cabreo cando non lla concederon á Rapadoira, e simplemente non consideran apropiado izalas, porque cre que é enganar á opinión pública sacarse unha foto coas bandeiras azuis cando non se teñen os socorristas axeitados para izalas por unha herdanza recibida. Consideran máis axeitado abrir a praia de Polas ao socorrismo que cinco praias coma o ano pasado abrindo a praia de Polas de xeito intermitente.

E que non se preocupe o PP, que non vai delegar funcións de alcalde, que vai exercer de alcalde deste concello porque así o quixeron os veciños, simplemente cre que traballar en equipo é o mellor traballo e vai axudarlle moito Carlos García porque é un concelleiro e un compañeiro moi competente.

A continuación, **sométese a votación a Proposta de Alcaldía**, obténdose o seguinte resultado: **unanimidade** (16 votos).

A tenor do resultado da votación, o Pleno da Corporación **APROBA o seguinte acordo:**

**PRIMEIRO.- A creación da Xunta de Goberno Local do Concello de Foz.**

**SEGUNDO.- Delegar na Xunta de Goberno Local as seguintes competencias do Pleno, en virtude do artigo 22.2 da Lei Reguladora das Bases de Réxime Local:**

**1º.- A aprobación dos proxectos de obras e servizos cando sexa competente para a súa contratación ou concesión, e cando aínda non estean previstos nos orzamentos.**

**TERCEIRO.- As delegacións referidas efectúanse nos termos do réxime xeral establecido no ROF, abarcando tanto as facultades de dirección e xestión como a de resolución mediante actos e acordos administrativos que afecten a terceiros.-**

### **6.- PROPOSTA ALCALDÍA NOMEAMENTO DOS REPRESENTANTES MUNICIPAIS NOS ÓRGANOS COLEXIADOS.-**

Pola Secretaria dáse lectura á Proposta de Alcaldía, cuxo teor literal di:

#### **“ PROPOSTA**

Visto o art. 38.c) do Real Decreto 2568/1986, de 28 de novembro, polo que se aproba o Regulamento de Organizacións, Funcionamento e Réxime Xurídico das Entidades locais segundo o que “O Alcalde convocará dentro dos trinta días seguintes á sesión constitutiva a sesión ou sesións extraordinarias do Pleno, a fin de resolver sobre o nomeamento de representantes da Corporación en órganos colexiados, que sexan da competencia do Pleno”.

Por todo isto, elevo ó Pleno a seguinte

#### **PROPOSTA**

**PRIMEIRO.- Designar como representantes municipais nos CONSELLOS ESCOLARES dos centros docentes públicos deste municipio ós concelleiros que se especifican:**



CONSELLO ESCOLAR IES DE FOZ: Titular e suplente: un concelleiro do PSOE

CONSELLO ESCOLAR COLEXIO N°1 DE FOZ: Titular e suplente: un concelleiro do PP

CONSELLO ESCOLAR COLEXIO O CANTEL DE FOZ Titular e suplente: un concelleiro do BNG

COSELLO ESCOLAR COLEXIO DE NOIS: Titular e suplente: un concelleiro de FPF

Así como, comunicar este acordo ós directores dos centros docentes afectados, así como ós concelleiros designados para o seu coñecemento e efectos.

SEGUNDO.- Designar como representante do Concello de FOZ diante da MANCOMUNIDADE DE MUNICIPIOS DA MARIÑA:

Titulares: un concelleiro do PSOE e un concelleiro do BNG

Suplentes: un concelleiro do PSOE e un concelleiro do BNG

TERCEIRO.- Designar como representante do Concello de Foz diante Da asociación TERRAS DE MIRANDA: Titular: un concelleiro do BNG os dous primeiros anos, un concelleiro do PSOE os dous seguintes anos, sendo os suplentes na forma contraria.

CUARTO.- Designar como representantes do Concello de Foz DO CONSELLO DA RADIO MUNICIPAL :

Titulares: Un concelleiro do Psoe, un concelleiro do BNG, un concelleiro do PP, un concelleiro de FPF

Suplentes: Un concelleiro do Psoe, un concelleiro do BNG, un concelleiro do PP, un concelleiro do PSOE

QUINTO.- Designar como representantes do Concello de Foz no Consorcio de Benestar : Titular e suplente : un concelleiro do PSOE.

SEXTO.- Nos restantes órganos colexiados en que poda corresponder a representación da corporación, será ostentada pola Alcaldía, de conformidade co art. 21.1.b da Lei 7/1985 Reguladora das Bases de Réxime Local.

SÉTIMO.- Para poder comunicar a designación dos representantes aos diferentes órganos colexiados, os grupos municipais por medio do seu portavoz deberán indicar quen ocupará os diferentes cargos conforme a proposta de alcaldía dentro dos **5 días hábiles seguintes a celebración do pleno organizativo**.

É canto teño a ben propoñer ó Pleno da Corporación non obstante este acordará o que estime pertinente”.

A continuación ábrese polo Sr Alcalde-presidente **unha quenda de intervencións**, explicando primeiramente a proposta e antecedentes deste asunto.

Javier Jorge Castiñeira, concelleiro do grupo municipal do PP, di que o alcalde fala dun reparto democrático, pero máis ben democrático era o reparto de hai catro e oito anos; hai catro anos o PP e FPF estaban na mancomunidade, o equipo de goberno estaba no Consorcio Galego e en Terras de Miranda estaba o PSdG-PSOE; agora deixan ao PP, que é o segundo partido en representación desta cámara, cun consello escolar.

Van presentar unha emenda para que o PP obteña representación en Terras de Miranda, en aras desa democratización da que fala o alcalde, para que todos os grupos teñan algunha representación, e poderíalle dar a FPF a posibilidade de estar no Consorcio ou na







## CONCELLO DE FOZ (LUGO)

Mancomunidade. Cre que sería xusto e digno, repartir por orden e proporcionalmente á representación electoral desta cámara.

Polo tanto a súa emenda sería que o PP estivera en Terras de Miranda e que FPF estivese no Consorcio Galego de Benestar.

A continuación o alcalde somete a votación a **emenda do PP**, obténdose o seguinte resultado:

**Votos a favor:** (6): todos os membros do PP (6)

**Votos en contra:** (10): todos os membros do PSDG-PSOE (7); máis todos os membros do BNG (2); máis todos os membros de FPF (1).

**Abstencións:** ningunha.

A tenor do resultado da votación, o Pleno da Corporación **REXEITA a emenda do PP, "Que o PP estivera en Terras de Miranda e que FPF estivese no Consorcio Galego de Benestar"**.

Francisco Xavier Fanego Bermúdez, concelleiro do grupo municipal do BNG, manifesta que entenden que nese reparto, ao estar participando no goberno, deben estar nesas representacións e para eles está ben así.

Victor Couto Barrientos, concelleiro do grupo municipal de FPF, di que están de acordo.

A continuación, **sométese a votación a Proposta de Alcaldía**, obténdose o seguinte resultado:

**Votos a favor:** (10): todos os membros do PSOE (7); máis todos os membros do BNG (2); máis todos os membros do FPF (1)

**Votos en contra:** ningún.

**Abstencións:** (6): todos os membros do PP (6).

A tenor do resultado da votación, o Pleno da Corporación **APROBA o seguinte acordo:**

**PRIMEIRO.- Designar como representantes municipais nos CONSELLOS ESCOLARES dos centros docentes públicos deste municipio ós concelleiros que se especifican:**

**CONSELLO ESCOLAR IES DE FOZ: Titular e suplente: un concelleiro do PSOE**

**CONSELLO ESCOLAR COLEXIO N°1 DE FOZ: Titular e suplente: un concelleiro do PP**

**CONSELLO ESCOLAR COLEXIO O CANTEL DE FOZ Titular e suplente: un concelleiro do BNG**

**COSELLO ESCOLAR COLEXIO DE NOIS: Titular e suplente: un concelleiro de FPF**

**Así como, comunicar este acordo ós directores dos centros docentes afectados, así como ós concelleiros designados para o seu coñecemento e efectos.**

**SEGUNDO.- Designar como representante do Concello de FOZ diante da MANCOMUNIDADE DE MUNICIPIOS DA MARIÑA:**

**Titulares: un concelleiro do PSOE e un concelleiro do BNG**

**Suplentes: un concelleiro do PSOE e un concelleiro do BNG**



**TERCEIRO.-** Designar como representante do Concello de Foz diante Da asociación **TERRAS DE MIRANDA:** Titular: un concelleiro do BNG os dous primeiros anos, un concelleiro do PSOE os dous seguintes anos, sendo os suplentes na forma contraria.

**CUARTO.-** Designar como representantes do Concello de Foz **DO CONSELLO DA RADIO MUNICIPAL :**

**Titulares:** Un concelleiro do Psoe, un concelleiro do BNG, un concelleiro do PP, un concelleiro de FPF

**Suplentes:** Un concelleiro do Psoe, un concelleiro do BNG, un concelleiro do PP, un concelleiro do PSOE

**QUINTO.-** Designar como representantes do Concello de Foz no Consorcio de Benestar :  
**Titular e suplente :** un concelleiro do PSOE.

**SEXTO.-** Nos restantes órganos colexiados en que poda corresponder a representación da corporación, será ostentada pola Alcaldía, de conformidade co art. 21.1.b da Lei 7/1985 Reguladora das Bases de Réxime Local.

**SÉTIMO.-** Para poder comunicar a designación dos representantes aos diferentes órganos colexiados, os grupos municipais por medio do seu portavoz deberán indicar quen ocupará os diferentes cargos conforme a proposta de alcaldía dentro dos 5 días hábiles seguintes a celebración do pleno organizativo.-

## **7.- DACIÓN DE CONTA DAS SEGUINTE RESOLUCIÓNS DE ALCALDÍA.-**

### **7.1) RESOLUCIÓN ALCALDÍA DESIGNACIÓN MEMBROS DA XUNTA DE GOBERNO LOCAL, PERIODICIDADE DAS SESIÓNS DA XUNTA DE GOBERNO LOCAL E DELEGACIÓN DE COMPETENCIAS DE ALCALDÍA.-**

Pola Secretaria dáse conta da Resolución de Alcaldía , cuxo teor literal di:

#### **“ RESOLUCIÓN DA ALCALDÍA**

##### **D. FRANCISCO CAJOTO CASERIO, ALCALDE-PRESIDENTE DO CONCELLO DE FOZ (LUGO)**

Unha vez celebradas as eleccións municipais, o pasado 26 de maio e constituído o novo Concello ou Corporación Municipal, resulta necesario e conveniente proceder ó establecemento da nova organización municipal e, en particular, á constitución da Xunta de Goberno Local, en exercicio da potestade de autoorganización que o art. 4.1a) da Lei 7/85, de 2 de abril, Reguladora das Bases de Réxime Local, recoñece a esta entidade.

Considerando o disposto nos art. 20.1.b) e 23 da citada Lei, que indica que “A Xunta de Goberno Local existe en tódolos municipios con poboación superior a 5.000 habitantes e nos de menos, cando así o dispoña o seu Regulamento orgánico ou así o acorde o Pleno do seu Concello”, en concordancia coa previsión da lexislación autonómica de réxime local contida no art. 65.1 da Lei 5/1997, de 22 de xullo, de Administración Local de Galicia, que establece que a Xunta de Goberno estará integrada polo Alcalde e un número de concelleiros non superior ó terzo do número legal deles, nomeados ou separados libremente polo Alcalde, que deberá darlle conta disto ó Pleno.

Por todo elo, esta Alcaldía, no uso das atribucións que me confire a lexislación citada





## **CONCELLO DE FOZ (LUGO)**

### **RESOLVE**

**PRIMEIRO.**- Que a Xunta de Goberno Local, presidida por esta Alcaldía, estará integrada polos 5 concelleiros que a continuación se indican:

Francisco Xavier Fanego Bermúdez  
Inés López Couto  
Hector Morís Fernández  
Ana Matea Rojo Eijo  
Gema Méndez Leivas

**SEGUNDO.**- A Xunta de Goberno Local celebrará sesión ordinaria unha vez cada quince días, os primeiro e terceiro martes de cada mes ás 10.00 horas. Non obstante, se as circunstancias o aconsellaran, a xuízo do Alcalde, poderá este convocar a sesión con carácter de ordinaria un día distinto da semana e á hora que estime adecuada, respectando sempre a periodicidade mínima antes establecida e as normas legais sobre forma e prazos das convocatorias. En particular, serán criterios a ter en conta pola Alcaldía para a convocatoria das ordinarias para día distinto do establecido como preferente, o feito de que tal día sexa festivo, a conveniencia dun maior estudo dos asuntos que se prevea tratar, a urxencia dos asuntos e calquera outros que xustifiquen razoadamente a decisión. Asemade a Xunta celebrará sesións extraordinarias e reunións deliberantes cando con tal carácter sexan convocadas polo seu Presidente.

O Alcalde poderá suspender a celebración das sesións da Xunta de Goberno Local do mes de agosto e alterar as de Semana Santa e Nadal, como consecuencia dos períodos vacacionais, cando isto non menoscabe a xestión dos asuntos municipais.

**TERCEIRO.**- A Xunta de Goberno Local terá asignadas as seguintes atribucións:

- Asistencia e asesoramento a esta Alcaldía no exercicio das súas atribucións.
- As atribucións que esta Alcaldía de forma expresa delega e que, a continuación, se expresan:

Delegar as seguintes atribucións do Alcalde na Xunta de Goberno Local:

- O outorgamento das licencias urbanísticas, salvo que as leis sectoriais o atribúan expresamente ó Pleno ou á Xunta de Goberno Local.

- Recoñecemento e liquidación de obrigas derivadas de compromisos de gastos de mais de 6.000 euros legalmente adquiridos.

- Resolución dos expedientes de concesión de subvencións a partires de 2000 €, agás o expedientes relativos a axudas de emerxencia social.

- Todas aquelas que lle atribúan as leis.

**CUARTO.**- As competencias delegadas exerceranse pola Xunta de Goberno Local mediante a adopción de acordos na forma determinada polo art. 113 do citado Regulamento de organización, funcionamento e réxime xurídico das Entidades Locais, aprobado por R.D. 2568/1986, de 23 de novembro. Sen prexuízo do dito, esta Alcaldía resérvase a avocación daqueles asuntos que polas súas características particulares ou pola urxencia que tivesen deberan ser resoltos con prontitude e celeridade.

Efectos: Os acordos adoptados nas materias delegadas terán pleno efecto e o mesmo valor que as resolucións que dite a Alcaldía en exercicio das atribucións que non delegara.

**QUINTO.**- Comunicar esta resolución a todos os concelleiros afectados e ós diferentes servizos municipais, para o seu coñecemento e efectos.



**SEXTO.-** Dar conta ó Pleno desta resolución, na sesión extraordinaria que se convoque para dar cumprimento ó previsto polo artigo 38 do Regulamento de Organización, Funcionamento e Réxime Xurídico das Entidades Locais.

**SÉTIMO.-** A presente delegación de atribucións producirá efecto dende o día da celebración do pleno municipal de organización, sen prexuízo da súa publicación no Boletín Oficial da Provincia” .

Os membros presentes asistentes á sesión, **danse por decatados.-**

## **7.2) RESOLUCIÓN ALCALDÍA DESIGNACIÓN DOS TENENTES DE ALCALDE.-**

Pola Secretaria dáse conta da Resolución de Alcaldía , cuxo teor literal di:

### **“ RESOLUCIÓN DE ALCALDÍA**

#### **D. FRANCISCO CAJOTO CASERIO, Alcalde-Presidente do Concello de FOZ (LUGO)**

*Unha vez celebradas as Eleccións Locais, o pasado día 26 de maio, e constituído o novo Concello, resulta necesario proceder ó establecemento dunha nova organización municipal, e, en particular, á designación dos tenentes de alcalde.*

*Considerando que de conformidade co disposto polos art. 23.3 da Lei 7/1985, de 2 de abril, Reguladora das Bases de Réxime Local, en concordancia coas previsións da lexislación autonómica de réxime local contidas nos art. 62 e concordantes da Lei 5/97 de 22 de xullo, de Administración Local de Galicia, a designación dos tenentes de alcalde é competencia desta Alcaldía, quen deberá proceder ó seu nomeamento, mediante Decreto, de entre os membros da Xunta de Goberno Local e, onde esta non exista, de entre os concelleiros.*

*Considerando que esta Alcaldía, en uso das competencias que lle outorga a lexislación vixente, con data 19 de xuño do presente ano, procedeu á designación dos membros da Xunta de Goberno Local, mediante Resolución de Alcaldía.*

*Por todo isto, esta Alcaldía, en uso das atribucións que me confire a lexislación anteriormente mencionada,*

### **RESOLVE**

**PRIMEIRO.-** Nomear tenentes de alcalde deste Concello, ós concelleiros membros da Xunta de Goberno Local que a continuación se relacionan, que substituíran esta Alcaldía nos casos de vacante, ausencia ou enfermidade:

**Primeiro tenente de alcalde: D. Francisco Xavier Fanego Bermúdez**  
**Segunda tenente de alcalde: Dna. Inés López Couto**

**SEGUNDO.-** Establecer que, en caso de ausencia, vacante ou enfermidade desta Alcaldía, as atribucións e competencias que me recoñece a lexislación vixente, serán realizadas pola segunda tenente de alcalde.

**TERCEIRO.-** A estes efectos, esta Alcaldía, cando teña que ausentarse do termo municipal, establecerá mediante Decreto, a duración da súa ausencia, designando ó tenente de alcalde que teña que asumir as súas competencias.

*De non conferirse esta delegación expresamente, esta Alcaldía será substituída pola segunda tenente de alcalde.*

**CUARTO.-** Comunicar esta Resolución de Alcaldía ós tenentes de alcalde afectados, facéndolles constar que terán que manter informada a esta Alcaldía do exercicio das súas atribucións como Alcalde





## CONCELLO DE FOZ (LUGO)

accidental, non podendo no citado exercicio, nin modificar as delegacións xa efectuadas por esta Alcaldía con anterioridade, nin outorgar outras novas.

**QUINTO.-** Dar conta ó Pleno do Concello desta resolución na sesión extraordinaria que se convoque, en cumprimento do previsto polo artigo 38 do Regulamento de Organización, Funcionamento e Réxime Xurídico das Entidades Locais.

**SEXTO.-** De conformidade co disposto no artigo 46 do citado Regulamento, os nomeamentos efectuados producirán efectos dende o día 20 de xuño de 2015, sen prexuízo da súa preceptiva publicación no Boletín Oficial da Provincia, dando conta ó Pleno, na próxima sesión que se celebra”.

Os membros presentes asistentes á sesión, **danse por decatados.-**

### **7.3) RESOLUCIÓN ALCALDÍA ESTABLECEMENTO DUN RÉXIME DE DELEGACIÓNS DE COMPETENCIAS DE CARÁCTER XERAL E ESPECIAL A FAVOR DOS CONCELEIROS.-**

Pola Secretaria dáse conta da Resolución de Alcaldía , cuxo teor literal di:

#### “ RESOLUCIÓN DE ALCALDÍA

**D. FRANCISCO CAJOTO CASERIO, ALCALDE-PRESIDENTE DO CONCELLO DE FOZ (LUGO).**

Unha vez celebradas as Eleccións Locais, o pasado día 26 de maio de 2019, e constituído o novo Concello, co obxecto de dotar dunha maior celeridade e eficacia á actuación municipal, esta Alcaldía considera necesario, en uso das facultades que lle confiren os art. 21.3 e 23.4 da Lei 7/85 de 2 de abril, Reguladora das Bases de Réxime Local, e demais lexislación concordante, proceder ó establecemento dun réxime de delegacións de competencias de carácter xeral a favor dos concelleiros que logo se dirán.

De conformidade coa lexislación á que se fixo referencia anteriormente, esta Alcaldía pode delegar o exercicio das súas atribucións sempre e cando non se encontre dentro dos supostos previstos no art. 21.3 da Lei Reguladora das bases de Réxime Local.

Por todo isto, esta Alcaldía, no uso das atribucións que legalmente teño conferidas,

#### RESOLVO

**PRIMEIRO.-** Encomendar a coordinación das distintas delegacións ao Alcalde- Presidente, D. Francisco Cajoto Caserio, tendo con carácter específico a delegación en “Obras, urbanismo, servizos, seguridade cidadá e facenda”

**SEGUNDO.-** Establécense as seguintes Delegacións por áreas de xestión e servizos municipais:

**Primeiro tenente de alcalde: D. Xavier Fanego Bermúdez. Concelleiro delegado en “ Patrimonio, Medio Ambiente, Medio Rural e Mar”.**

**Segunda tenente de alcalde. Dna. Inés López Couto. Concelleira delegada en “ Emprego, Innovación , Administración Electrónica e Transparencia”.**

**Héctor Moris Fernández, Concelleiro delegado en “Cultura, Educación e Festas”.**

**Ana Matea Rojo Eijo, “ Concelleira delgada en “ Asuntos Sociais e familia”**

**Gema Méndez Leivas, Concelleira delegada en “ Deportes e Xuventude”.**



**Acela Verónica Peña Rodríguez, Concelleira con delegación especial en “Muller, Igualdade e Inmigración”.**

**Jose María Linares Rodríguez, Concelleiro con delegación especial en “ Comercio, Turismo e actividades económicas”.**

**Carlos García Rodríguez, Concelleiro con delegación especial en “Comunicacións e Relacións Institucionais”.**

**TERCEIRO.-** As delegacións de atribucións nos concelleiros abranguen a facultade de dirixir e xestionar os servizos correspondentes, pero non inclúran a facultade de resolver fronte a terceiros mediante actos administrativos e sen autorización do gasto.

**CUARTO.-** As atribucións delegadas deberanse exercer nos termos e dentro dos límites desta delegación, non sendo susceptibles de ser delegadas polos seus titulares noutro órgano ou concelleiro. E neste caso a Alcaldía poderá mandar ás distintas delegacións determinadas funcións específicas que sexan determinadas puntualmente pola Alcaldía.

Terase a obriga de manter informado puntualmente á Alcaldía das resolucións que se adopten por delegación.

**QUINTO.-** Estas delegacións, de conformidade co disposto polo artigo 44 do Regulamento de Organización, Funcionamento e Réxime Xurídico das Entidades Locais, aprobado por Real Decreto 2568/1986, de 28 de novembro, terán efecto dende o día seguinte á data de notificación deste Decreto ós concelleiros afectados, sen prexuízo da potestade de avocación desta Alcaldía.

**SEXTO.-** Notificar este decreto ós concelleiros afectados, entendéndose aceptada a competencia delegada de forma tácita se, dentro do prazo das 24 horas seguintes, non se manifesta nada en contra ou se fai uso da delegación.

**SÉTIMO.-** Dar conta ó Pleno na primeira sesión que teña lugar do presente decreto, que producirá efecto dende o día seguinte ó da súa data en prexuízo da súa preceptiva publicación no BOP, conforme o disposto no art. 44 do RD 2568/1986 e notificación os designados.” .

Os membros presentes asistentes á sesión, **danse por decatados.-**

#### **7.4) INFORME SECRETARÍA DE TOMA DE RAZÓN DOS ESCRITOS DOS DISTINTOS PARTIDOS POLÍTICOS PARA A CONSTITUCIÓN DOS GRUPOS MUNICIPAIS.-**

Pola Secretaria dáse conta do informe de Secretaría de toma de razón dos escritos dos distintos partidos políticos para a constitución dos Grupos Municipais.

Os membros asistentes á sesión, **danse por decatados.-**

Concluído o anterior, ás vinte e unha horas e vinte e oito minutos, do día catro de xullo dous mil dezanove, non sendo outro o obxecto da convocatoria, o señor Alcalde levanta a sesión no lugar e data ao principio indicados, estendéndose a presente acta para constancia, de todo o que, como secretaria, dou fe.-

**A SECRETARIA,  
ANTÍA PENA DORADO**

**O ALCALDE,  
FRANCISCO CAJOTO CASERÍO**





## CONCELLO DE FOZ (LUGO)

(DOCUMENTO ASINADO DIXITALMENTE Á MARXE)

